

**AURTENGO UDAGOIENEAN (2009)  
BIZIKIZUN SAKON ETA ABERATSAK**

Aurtengo udagoienean (2009) bizikizun sakon eta aberatsak izan dodaz: larria, kezka, ebakuntzak, zainketa eta arta intensiboak, adiskideen maitasuna, oinarrizkoetan eta gun-gune-koetan gogoeta, ardatzaren bilaketa, guztiekazko esker ona... Hiru pausutan eskeintzen deusut pil-pilean bizi izan dodanaren adierazpen moduko izan gura dauan asaskaldia.

*Goizaldeko laurak  
"Mertsede" eguna  
Esnatze larria  
Bularrean pena  
Arnas-hartzean min  
Ta sastadak gordin  
Etzunda nork iraun  
Hau bai estutasun  
Itsuturik gogo  
Ez dakit nora jo  
Larriaren larriz  
Artega ta antsiz  
Bat-batean ilun  
Bildur ta mintasun  
Zeinen une latza  
Ta ikara baltza  
Nora gabe gorritz  
Ezinaren zauriz  
Nabil hara hona  
Senetik urtena.*

Hasierako trantze larria  
 Badoa aurki baretzen  
 Eta banoa ura edanda  
 Besoak gorantz luzatzen  
 Arnasestuka banago ere  
 Gogoa hasi jat bizkortzen  
 Abiada handiz sentimentu ta  
 Pentsamentuak argitzen  
 Ta bat-batean dana ikusiz  
 Azken-muga dot sumatzen  
 Azken-muga dot sumatzen.

Itsumustuan hainbeste lagun  
 Ta jazoera gogora  
 Etxeko, hurko eta maiteenak  
 Iatortaz aurre-aurrera  
 Eskerron eta parkamen hitzak  
 Sortzen agotik hortzera  
 Eta barrua asaskau guran  
 Dar-dar urduri idaztera  
 Azken-gogoak letra baldarrez  
 Baina tinko mugatzera  
 Baina tinko mugatzera.

Mertsede eguna  
 Bularrean pena  
 Birikian koskor  
 Pleuran erasokor  
 Mertsede jaiean  
 Ito aginean.

Zenbat zereginek  
 Zenbat ekintzak  
 Zenbat asmok  
 Zenbat ametsek

Zenbat adiskidek  
 Zenbat lorpenek  
 Zenbat arrakastak  
 Zenbat porrotek  
 Zenbat atseginek  
 Zenbat nahigabek  
 Zenbat ospakizunek  
 Zenbat tristurak  
 Zenbat haserrek  
 Zenbat pozaldik  
 Zenbat ilunaldik  
 ...zenbat eta zenbat  
 Gorabeherak eta joan-etorrik  
 Hartzen daben osoan  
 Gure burua eta gure bihotza  
 Honako erdigune bailirean  
 Honako garapenerako gurpilean  
 Ezinbesteko giltza balira bezala.

Baina horren guzti-guztiaren *E T E N A*  
 Ezustean eta bat-batean etorten jakunean  
 Erabat aldatzen da gure ikuspegia:  
 Eretxiak, proiektuak, balioak...  
 Zer da orain benetan garrantzizko?  
 Zein dogu erdigune, giltza, *ARDATZA*?

Bizia bera  
 Eta biziaren iturria eta zentzuna.  
 Horixe da egiazko kokagune bakarra.  
 Beste gauza guztiak  
 Baliokoentzat izan doguzanak ere  
 Gauzeztan, labur, esangura gixiko  
 Gertatzen jataz sakon-sakonean.  
 Eta nire go-goeta bizian  
 Jauna dot *ARDATZ*, argi eta salbamen.  
 Berez-berez sortzen da orain otoitza:  
 "Zure eskuetan dot bizia

*Askatu naizu Jaun handia".  
 Eskerrak zuri, Jauna,  
 Lagun zakidaz  
 Zeugan dot itxaropena!  
 Itxaropen honek sendotzen deust  
 Konfiantza tinko eta poz-emoilea,  
 90. salmoaren egilearen bizikizuna  
 Neure egiten dødala:  
 "Jaungoikoaren hegoen pean  
 Bai bakean, bai bakean,  
 Ahalak guztiak dituanaren  
 Gerizpean, gerizpean.  
 Zinez dinotsot: Zeu zaitut  
 Geriz ta abaroa,  
 Zugan dot neure uste osoa  
 Jaungoikoa".*

Nire barru-ibilbide sakon eta aberats honek erabat hartzen nau eta bizikizun oparo honetan gorapen- eta esker-kantua loratzen jat ahoan, Jaun maitale, onbera eta errukitsuaren aintzarako: "Jauna, zure maitasuna abestuko dot betiren beti", eta gonbidapena zabaldu gura dot lau haizetara: "Jaunari kanta, ona da-ta, hain dau handia bere betiko errukia". Eta kantuz jardun: "bai eskerrak emon zeru-lurretan, eskerrak emon Jainkoari, guztietan deusku-ta on egin guri, eskerrak emon zeru-lurretan, eskerrak Jainkoari menderen mendetan".

Larrialdia jasan ondoren idatzia, larrialdian indar izana.

*Buruak ezin pentsa ahalekoa  
 Irudimenak asmau ezin bestekoa  
 Bihotzean ezin hartu ahalekoa  
 Zenbat eta zenbaten erregua  
 Ezin kontatuzko adiskideen aldra  
 Ustekabeko hainbesteren gomuta*

Adiskidantzako alkartasuna  
 Maitasunezko sare pozgarria...  
 Horra hor nire bizikizuna  
 Latza izan dodanean gaixoaldia  
 Sakona nire larrialdia.

Bihotzak eta izate osoak  
 Gáinez egiten deust  
 Erabateko esker ona adierazo nahian  
 Eta hitzak indarge eta makal  
 Ezdeus eta gauzaez gertatzen jataz  
 Barruak eskatzen deustan adierazpena  
 Hazurmamintzeko gurari bizian.

Nazan guztia bihurtzen jat  
 Egiazko autormen eta esker on:  
 Hainbeste lagunen argik  
 Eta maitasun indarrek bultzatuta  
 Zelan ez atseginez aseá egon  
 Nork ez lotura-soka gozoak jagon  
 Eta biziari eutsi edonoiz eta edonon  
 Erreguan eta errukian ahalguztidun  
 Edo behintzat erabat eraginkor  
 Azaldu jatazan guztiei  
 Gorapena adierazo eta emon  
 Eta Jaunari kantuz jardun  
 Haren asmoei eginaz leku eta jaramon  
 Bera dodalako zentzun eta oinarri sakon.

Jauna  
 Zeurekin nahi dot egon  
 Zeurekin bidea egin  
 Zeurekin egunero ekin  
 Zure barri etengabe emon  
 Zeugan betiko zoriona itxaron.

Lontzo Zugazaga.